

Wulf Wagers wunderliche Weltbetrachtung

Sex auf Wolke 9

Letzsch Woch' ben i mol seit langem wieder em Kino gwää. Ma hot mi zu dem Film „Wolke 9“ überredet. En dem Film goht's um Liebe ond Sex em Alter.

Heimatsalat, do hen sich meine ganze Vorurteil en Luft ufglöst. Als jonger Kerle han i denkt, wenn de amol Vierzga bischt, no hosch bestimmt koin Sex meh. Sex im Alter isch wie Bobfahra auf Jamaica, Banana züchta am Nordpol oder Telefoniera mit ma Schuhlöffel. Koi Mensch hätt' mir domols glaubhaft macha ken-na, dass noch Vierzig dr Sex no scheenr wird.

I weiß jo leider gar nix über Sex, weil i jo emmer verheiratet war. Ond jetzt sitz i em Kino ond sieh, wia a Sechzigjährige mit ama



Sechsisiebzijähriga fremd goht ond sich wild mit dem uf em Fußboda wälzt.

Des stemmt mi hoffnungsfroh. Wahrscheinlich kommt 's Beschte erscht no. Bisher han i emmer denkt, dass Cellulite bei de Frau dr Barcode für 's Verfallsdatum isch. Do han i mi scheint's täuscht.

Im Film frogt die Frau ihren Ma, ob er wiss', wie 80ig-Jährige Sex

machat? Ganz oifach: Sie macht en Kopfstand ond er lässt en neihänga. Es goht nadierlich au d' Bärastellung: Vor 's Loch hocka ond brommla.

Neulich han i beim Spazierganga zwoi ältere Herra über Sex schwätza höra. Dr erschte: „I han bloß no oimol em Jahr Sex mit meira Frau.“

„So?“, sagt dr Ander, „i han beinah jeden Dag Sex mit meira Frau. Beinah am Montag, beinah am Dienstag, beinah am Mittwoch ...

Bis näggschd Woch'

Ihr

Wulf Wager